

vandamönnum hans til viðurværis og nauðsynja, og eru að eins þær tekjur undan- **67**
teknar, sem fást á þann hátt, að maður eyðir höfuðstól sínum eða tekur lán. Enn frem- 30. apríl.
ur eru í 3. grein nefndra laga, að eins undanþegnar frá skatti þær árstekjur af jarðeign-
um, er samanlagðar nema ekki 50 kr. Þegar þessa hvorstveggja er gætt, virðist vanta
heimild til, að undanþiggja hina áminntu 2 gjaldþegna frá að greiða skatt af árstekjum
af eignum sínum.

Um leið og jeg skýri yður, herra sýslumaður, frá þessu, til þóknanlegrar leiðbein-
ingar og ráðstöfunar, vil jeg út af þeim öðrum spurningum, sem áminnt brjef yðar inni-
heldur, tjá yður, að jeg, eins og þegar er tilkynnt sýslumanninum í Dalasýslu með brjefi 3.
febrúar þ. á. (Stjórnartíð. B. 22), verð að álíta það skyldu yfirsíttanefndarinnar, að
endurskoða nákvæmlega skrár skattanefndanna, rannsaka það, sem í þeim þykir óljóst eða
rángt, og eptir ástæðum lagfæra það. Með því ekki er nefnt fardaga ár í 6. gr. laga
14. desember 1877, verð jeg að álíta, að þar sje átt við almanaks árið, bæði með tilliti
til eignarskatts og atvinnuskatts.

— *Brjef landshöfðingja til amtmannsins yfir suður- og vestur umdæminu um hom-* **68**
öopata með öl — Ráðgjafinn fyrir Ísland hefir með brjefi 20. marz þ. á. tjáð mjer, 2. maí.
að hinu konunglega heilbrigðisráði hafi verið sendur kassi sá, með homöopatískum með-
ölum, tilheyrandi prestinum sira Jakobi Guðmundssyni, sem lagt var lóghald á í Reykja-
vík 31. ágúst f. á. ásamt skýrslu frá landlækni viðvíkjandi kassa þessum; en að meðölin
hafi, þá er átti að rannsaka þau, reynzt svo úþynnt að ómögulegt hafi verið að sjá, hvað
í þeim væri.

Þetta er hjer með tjáð yður, herra amtmaður, til þóknanlegrar leiðbeiningar og
birtingar fyrir hlutaðeigöndum.

Fundaskýrslur amtsráðanna.

A

Fundur amtsráðsins í norður- og austurumdæminu 2. og 3. dag júlímánaðar 1878.

69

Fundurinn var haldinn á Akureyri af forseta amtsráðsins, amtmanni Christjans-
son, með amtsráðsmönnum Arnljóti presti Ólafssyni og Einari Ásmundssyni.

Á næstliðnum vetri höfðu farið fram í sýslunefndum umdæmisins kosningar til
amtsráðsins í stað þeirra er úr því voru gengnir, amtsráðsmanns Jóns Sigurðssonar og
varaamtsráðsmanns J. P. Havsteins. Flest atkvæði hafði fengið Arnljótur prestur Ólafs-
son að Bægisá og þar næst Davíð prófastur Guðmundsson að Reistará.

Amtsráðið tók til umræðu þau mál, er hjer eru talin.

1. Forseti lagði fram landshöfðingjabrjef 13. okt. f. á. ásamt brjefi frá formanni búa-
ðarfélags suðuramtsins 12. s. m. og reikningi frá Sveini búfræðingi Sveinssyni 9.
s. m. Landshöfðingja brjef þetta með fylgiskjöllum hljóðaði um ferðakostnað Sveins
búfræðings síðastliðið sumar norður í Eyjafjörð til að skoða Staðarbyggðarmýrar, að
upphæð 98 kr. 60 aura; í öðru lagi um 150 króna endurgjald frá norður- og
austurumdæminu til búnaðarfélags suðuramtsins fyrir það, er Sveinn tafðist mánað-
artíma (frá 25. júlí til 25. ágúst) á þessari skoðunarferð frá störfum sínum í suður-
amtinu, og í þriðja lagi gjörði Sveinn kröfu til 23 kr. 33 aura, sem ógreiddra af

69

ferðakostnaði hans á Norðurlandi 1874. Ráðið ályktaði að endurgjalda skyldi ferða-
kostnaðarkröfuna, 98 kr. 60 a., þar eð kröfu þessa mætti álita rjettláta í sjálfu sjer.
En aptur á móti gat ráðið eigi fundið næga ástæðu til að endurgjalda búnaðarfje-
lagi suðuramtsins, sízt að fullu, þann halla, er það kynni að hafa beðið við burtu-
veru Sveins búfræðings hinn tjeða mánaðartíma. Hjer var og að ræða um áfallinn
kostnað frá fyrra ári, er ekki fje annað frá sama tíma var til endurgjalds, en 160
kr., er landshöfðingi hafði með brjefi til amtsins 9. ágúst f. á. veitt til vatnsveit-
inga á Staðarbyggðarmýrum. Var því ályktað að láta þessar 160 kr. ganga hjer til
þannig, að ferðakostnaðurinn, 98 kr. 60 a., verði borgaður og 61 kr. 40 a. til búnað-
arfjelagsins og ekki framar. Um þriðju kröfugreinina var ráðinu ókunnugt, og var
því engin ráðstöfun gjörð að þessu sinni, með því ráð var til að borga kröfu þessa
af búnaðarsjóði, ef Sveinn sannaði hana.

2. Var gjörð áætlun um ferðir Sveins búfræðings Sveinssonar og samið brjef til hans
um þetta efni.
3. Samþykkti amtsráðið að veita fröken Önnu Melsteð 50 króna þóknun af búnaðar-
sjóði amtsins fyrir kennslu á góðri mjólkurmedferð.
4. Forseti framlagði brjef 11. marz þ. á. frá sýslumanni Suður-Múlasýslu um ómaga-
hald og útsvaragreiðslu í hreppum. Áleit amtsráðið að það gæti eigi að svo komnu
gjört neitt við þetta mál, heldur væri bezt til fallið, að sýslunefndirnar tækju slík
mál sem þetta til meðferðar, þar sem þess kynni að gjörast þörf.
5. Forseti lagði fram jafnaðarsjóðsreikning síðasta árs, er hafði verið sendur amtsráðs-
mönnum til yfirlits samkvæmt 54. gr. sveitarstjórnarlaganna. Við hann hafði verið
gjörð ein athugasemd, er amtsráðið nú samþykkti.

Fleiri mál komu eigi til umræðu á þessum fundi.

B.

Fundur amtsráðsins í norður- og austurumdæminu 4. og 5. dag septembermán. 1878.

Fundurinn var haldinn á Akureyri af forseta ráðsins, amtmanni Christjánsson
með amtsráðsmanni Arnljóti presti Ólafssyni og varaamtsráðsmanni Davíð prófasti Guð-
mundssyni.

1. Á fundinum var fyrirtekið málið um ábúð og afgjald jarða landssjóðsins hjer í um-
dæminu. Framlagði forseti landshöfðingjabrjef 19. sept. f. á. og skýrslur frá öllum
umboðsmönnum í amtinu ásamt athugasemdum hreppsnefndanna og sýslunefndanna.

Amtsráðið samdi aðalskýrslu um hinn núverandi og fyrirhugaða leigumála á jörðum
(Framh. síðar).

ÓVEITT EMBÆTTI

- a. sem ráðgjafinn fyrir Ísland hlutast til um veitingu á.

Sýslanin sem settur málaflutningsmaður við hinn konunglega íslenska landsyfírjett. Sýslan
þessari er lögð 800 kr. árleg þóknun úr landssjóði.

Sæki aðrir, en Íslendingar um sýslan þessa, skulu þeir láta bönarbrjefum sínum fylgja til-
beyrilegt vottorð um kunnáttu sína í íslenskri tungu samkvæmt konungsrúrk. 8. apríl 1844, 27. maí
1857 og 8. febr. 1863.

Auglýst 28. marz 1879 Bönarbrjefin eiga að vera komin 29. júní 1879.

- b. er landshöfðingi veitir

Þóroddstaðar prestakall í Köldukinn í Suðurþingeyjar prófastsdæmi, metið 733 kr. 72 aur.
Augl. 24. marz 1879.

Sauðlauksdalsprestakall í Barðastrandar prófastsdæmi metið 801 kr. 43 aur. Augl. 18. apríl 1879.
Uppgjafaprestur er í brauðinu sem nýtur $\frac{1}{3}$ af tekjum þess að meðtöldum ágóðanum af prestssetrinu.